



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

30 DISEMBER 2022 (JUMAAT)



KERATAN AKHBAR DAN MEDIA ONLINE (KPDN)

30 DISEMBER 2022 (JUMAAT)

KPDN AKUI WUJUD TAKTIK TIPU DISKAUN JUALAN MURAH

Pihak berkuasa menerima 703 aduan penipuan
jualan murah daripada pengguna yang menjadi
mangsa peniaga tamak • BERITA DI MUKA 3



Taktik peniaga bagi melariskan jualan **KPDN terima 703** **aduan jualan murah**

Oleh RIDZAUDDIN ROSLAN

PUTRAJAYA – Sebanyak 703 aduan berhubung taktik jualan murah diterima Kementerian Perdagangan Dalam Negeri dan Kos Sara Hidup (KPDN) antara 1 Januari hingga 27 Disember 2022.

Ketua Pengarah Penguat Kuasa KPDN, Azman Adam berkata, taktik jualan murah itu bukanlah modus operandi baharu, memandangkan kaedah tersebut sering digunakan peniaga bagi melariskan jualan masing-masing.

"Taktik itu sebenarnya bukanlah satu modus operandi baharu oleh peniaga kerana penjualan barangan dengan harga jualan murah tidak melibatkan barangan dikawal.

"Jadi, taktik tersebut boleh dikatakan sebagai strategi peniaga untuk melariskan jualan dengan kerugian yang minimum," katanya kepada *Kosmo!* di sini semalam.

Beliau berkata demikian sebagai mengulas laporan *Kosmo!* berhubung temberang diskaun jualan murah sehingga 70 peratus yang ditawarkan peniaga kepada pengguna walaupun harga tersebut merupakan harga sebenar.

Mengulas lanjut, Azman berkata, peniaga yang ingin melakukan jualan murah perlu



KERATAN *Kosmo!* 28 Disember 2022.

memohon kebenaran daripada pihak KPDN dan perlu memamerkan notis jualan murah di tempat mudah dilihat di premis mereka setelah permohonan diluluskan.

"Apabila notis jualan murah dipamerkan, ia menunjukkan peniaga terbabit telah memenuhi syarat ditetapkan sebelum kelulusan dikeluarkan.

"Setiap permohonan yang dihantar juga perlu dikemukakan harga sebelum dan selepas diskaun. Selain itu, tanda harga yang dipamerkan juga perlu dinyatakan dengan jelas harga sebelum dan selepas diskaun," katanya.

Azman menambah, KPDN juga sentiasa mengambil tindakan proaktif dengan menjalankan

Kaedah tersebut boleh dikatakan sebagai strategi peniaga untuk melariskan jualan dengan kerugian yang minimum."

AZMAN ADAM

pemeriksaan dan pemantauan serta bertindak ke atas aduan yang diterima tanpa gagal.

"Sepanjang tahun 2022, sebanyak 29 kes telah dihasilkan kerana melanggar Peraturan-Peraturan Perihal Dagangan (Harga Jualan Murah) 1997 dan daripada jumlah itu sebanyak 24 kes di bawah kesalahan tidak memohon kebenaran atau notis jualan murah.

"Mana-mana orang yang melakukan kesalahan di bawah Peraturan-Peraturan Perihal Dagangan (Harga Jualan Murah) 1997 iaitu tidak memohon kebenaran atau notis jualan murah boleh didenda tidak melebihi RM100,000 bagi pertubuhan perbadanan, manakala bagi bukan suatu pertubuhan perbadanan boleh didenda tidak melebihi RM50,000," katanya.



FAKTIK jualan murah yang dibuat oleh peniaga bukan satu modus operandi baharu kerana dilakukan bagi melariskan jualan. – GAMBAR HIASAN



BULAN Disember memang bulan percutian. Sana sini orang berkongsi gambar bercuti, melancong dan membeli-belah di pasar raya terkemuka.

Ada yang melancong sampai ke luar negara. Ramai juga yang memilih untuk menghabiskan masa bersama keluarga di lokasi menarik dalam negara.

Di sebalik bencana alam dan musibah tanah runtuh yang berlaku, ia sedikitpun tidak menjejaskan mood percutian. Semua ingin bergembira selepas melalui tahun yang cukup mencabar.

Tahun 2022 benar-benar menguji kehidupan rakyat Malaysia. Pada tahun ini, rakyat dipertanggungjawabkan untuk memilih sebuah kerajaan melalui Pilihan Raya Umum Ke-15 (PRU15).

Debaran PRU15 itu tidak berakhir selepas rakyat membuang undi. Ia berlarutan untuk tempoh yang panjang selepas tiada parti mendapat majoriti mudah untuk membentuk kerajaan.

Namun, selepas melalui minggu yang cukup panas, kerajaan akhirnya terbentuk menerusi gabungan pelbagai parti. Dan hasilnya, kita memperoleh sebuah Kerajaan Perpaduan dan menteri daripada pelbagai latar belakang parti.

Intipati awal kepada penubuhan kerajaan ini adalah untuk membentuk sebuah pentadbiran yang telus dan bebas rasuah.

Paling penting, Perdana Menteri, Datuk Seri Anwar Ibrahim juga mahu memastikan kebajikan rakyat tanpa mengira kaum dan agama dipelihara.

Caranya adalah dengan memastikan kos hidup kira-kira 32 juta rakyat di seluruh negara terbela.

Isunya bukan baharu. Ia hanya berkisar tentang bekalan makanan dan harga barang. Rakyat hanya mahukan setiap barang asas seperti telur, minyak masak dan ayam sentiasa ada di rak-rak kedai.

Sekiranya bekalan barangan itu mencukupi, isu harga pula perlu dikawal sebaiknya. Subsidi ditambah baik dan diberikan kepada yang benar-benar layak.

Hakikatnya, ramai rakyat yang menderita dan terkesan dengan isu harga barang. Setiap kenaikan walaupun serendah 10 sen tetap memberi kesan.

Ini belum mengambil kira kos-kos perkhidmatan lain seperti bil api dan air selain perbelanjaan persekolahan anak-anak.

Banyak yang perlu difikirkan oleh ibu bapa, terutamanya mereka yang tergolong dalam kategori B40 dan miskin tegar.

Bagaimanapun, di sebalik 'kesengsaraan' hidup itu, masih ada segelintir rakyat yang kononnya hidup susah, tetapi mampu berbelanja dan bercuti di luar kemampuan.

Mereka tanpa rasa terbeban bermegah menjamu selera di restoran mewah, membeli-belah barangan berjenama dan melancong ke destinasi popular. Semuanya cukup indah.

Benar, hak untuk bergembira adalah hak masing-masing. Cumanya, kita tidak mahu ada dalam kalangan kita yang 'cakap tak serupa bikin'.

Orang-orang ini adalah golongan yang kuat merungut dengan kenaikan 10 sen harga makanan, tetapi tidak kisah berhabis ribuan ringgit untuk percutian dua hari satu malam di resort terkemuka.

Perangi pencuri RON95



Analisis Semasa

Bersama
**NORLIDA
AKMAR IDROS**

SEBELUM ini, *Kosmo!* menyiarkan tentang kegiatan trak pikap dari Thailand yang 'ligat' mengisi diesel bersubsidi berhampiran sempadan Malaysia-Thailand di Perlis.

Kegiatan warga asing itu menimbulkan rasa kurang senang dalam kalangan penduduk.

Dakwa penduduk, trak pikap bernombor pendaftaran Thailand dilihat bebas 'mengutip' diesel.

Bila tangki penuh, pemandu trak pikap tersebut akan pulang ke negara asalnya.

Mengikut peraturan, warga asing hanya dibenarkan mengisi 20 liter diesel bersubsidi bagi setiap transaksi dilakukan.

Rentetan aduan penduduk, *Kosmo!* turut membuat tinjauan dan mendapati dakwaan penduduk itu ada asasny.

Keadaan itu menimbulkan persoalan kemungkinan berlaku ketirisan diesel bersubsidi selain membuka peluang kepada kegiatan penyeludupan diesel bersubsidi ke negara jiran.

Justeru, kerajaan perlu melihat semula peraturan ditetapkan bagi mengawal sela penjualan diesel mahupun RON95 bersubsidi kepada rakyat asing.

Peraturan baharu bagi me-

ngawal penjualan minyak bersubsidi baharu yang lebih cekap dan berkesan serta tiada lomp-pong perlu dikuatkuasakan segera.

Ketua Setiausaha Kementerian Perdagangan Dalam Negeri dan Kos Sara Hidup, Datuk Azman Mohd. Yusof berkata, pihaknya memandang serius masalah ketirisan diesel bersubsidi di negeri-negeri sempadan kerana subsidi minyak sepatutnya dinikmati oleh rakyat Malaysia.

"Kita dapati ada kes kenderaan dengan nombor pendaftaran Thailand ini mengisi diesel bersubsidi pada kuantiti dihadkan, namun dibuat di beberapa stesen minyak secara bergiliran.

"Bagi mengatasi isu itu, kementerian akan memperkenalkan peraturan baharu menerusi program Ekonomi Sempadan-Pembekalan Petrol RON95 dan Diesel Tanpa Subsidi," katanya.

Kata beliau, menerusi program itu, kenderaan berpendaftaran asing hanya dibenarkan membeli minyak tanpa subsidi di negeri sempadan.

"Selain itu, ia juga akan menambah nilai ekonomi di kawasan sempadan dengan harga petrol dan diesel tanpa subsidi yang dijual masih lebih murah berbanding di negara jiran," ujarnya.

Tambahnya, Perlis akan menjadi negeri rintis bagi melaksanakan program berkenaan memandangkan sudah tersedia stesen minyak komersial tanpa subsidi di Padang Besar dan

Wang Kelian.

"Program rintis dijangka bermula pada bulan depan dengan kajian impak akan dilaksanakan dalam tempoh tiga bulan sebelum keputusan dibuat untuk pelaksanaan di negeri-negeri sempadan lain," jelasnya.

Sementara itu, Presiden Persatuan Pengguna Kedah (Cape), Mohamad Yusrizal Yusoff berkata, pihaknya menyambut baik dan bersetuju dengan pelaksanaan penjualan minyak tanpa subsidi kepada kenderaan asing.

"Kita harap peraturan baharu ini dilaksanakan segera kerana isu rakyat asing menikmati minyak bersubsidi termasuk di Perlis dan Kedah ini sudah lama berlaku.

"Mereka ini isi minyak secara kerap tetapi dalam had dibenarkan, yang mana pengusaha stesen minyak juga tidak salah dalam hal ini. Justeru, sukar untuk penguat kuasa untuk ambil tindakan," katanya.

Sehubungan itu, katanya, penjualan RON95 dan diesel tanpa subsidi dilihat dapat mengekang ketirisan mahupun isu penyeludupan bahan bakar bersubsidi tersebut ke negara jiran.

Tambahnya, Cape juga pernah menerima aduan berhubung kegiatan itu yang didakwa berlaku di stesen minyak di Changlun, Kedah.

"Saya harap peraturan ini dapat diperluaskan segera ke negeri-negeri lain yang bersempadan bagi memastikan subsidi dinikmati oleh rakyat negara kita sahaja," katanya.

Benar, hak untuk bergembira adalah hak masing-masing. Cumanya, kita tidak mahu ada dalam kalangan kita yang 'cakap tak serupa bikin'.

Orang-orang ini adalah golongan yang kuat merungut dengan kenaikan 10 sen harga makanan, tetapi tidak kisah berhabis ribuan ringgit untuk percutian dua hari satu malam di resort terkemuka.

 Senarai Harga Barang Keperluan	Ayam	RM8.99	Telur Gred A	RM13.50	Gula Pasir	RM2.84	Cili Merah	RM8.99
	Daging Lembu Tempatan	RM39	Ikan Kembung	RM12.99	Bawang Besar Holland	RM3.79	Kubis Bulat Tempatan	RM4.50
	Daging Lembu Import	RM50.90	Minyak Masak	RM6.85	Bawang Putih	RM5.89	Tepung Gandum	RM3.38
*kargo (RM/kg) Sumber: KPDNHEP								

BERITA ONLINE BERTARIKH 30 DISEMBER 2022

TARIKH	TAJUK	PAUTAN	MEDIA
30-Dec	Peniaga, peruncit sedia terima telur import tapi stok tidak pernah sampai	https://malaysiadateline.com/	MALAYSIADATELINE
30-Dec	Subsidi RM6.16 juta program jualan murah manfaat dua juta rakyat	https://selangorkini.my/2022/12/subsidi-rm6-16-juta-program-jualan-murah-manfaat-dua-juta-rakyat/	SELANGORKINI
30-Dec	Telur India yang sama juga dieksport ke Qatar semasa FIFA '22	https://malaysiadateline.com/telur-india-yang-sama-juga-dieskport-ke-qatar-semasa-fifa-22/	MALAYSIADATELINE
30-Dec	Subsidi petrol: Inilah masanya guna AI	https://www.google.com/amp/s/www.sinarharian.com.my/ampArticle/238144	SH